



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Vindex Libertatis Ecclesiasticae || Et Martyr || S.
Engelbertvs || Archiepiscopvs Co-||loniensiſ Princeps ||
Elector, &c.**

Gelenius, Aegidius

Coloniae Agrippinae, 1633

Notatio ad Caput Nonum.

urn:nbn:de:hbz:466:1-9728

Notatio ad Caput Nonum.

A

§. Religiosos imo in Religiosis Christum.

Multi Re-
ligiosi sub
B. Engel-
berto ad-
mittuntur
Colonia.

Auari Re-
ligiosi
mūctatio.

QVAM molestiam SANCIVS ENGELBERTVS ob quosdam mendicantes Religiosos, vrbi Coloniensi ad scriptos, deuorauerit, cap. 7. adnotauit. Sed præterij eorundem priuilegiorum participes Augustinianos & Carmelitas, quorum Basilicas auspicijs S. ENGELBERTI ædificatas Archiua docent. Tacite eisdem temporibus cœpisse Teutonicos ad diuæ Catharinæ, monasteriaque Cisterciensium B. M. V. in Sione vel speculo, & Pœnitentium, quas vulgo albas Dominas appellant. Meritò igitur Sancti nostri beneficentiam in religiosos hoc capite extollit Cæsarius: illud tamen aduertendum, quòd Religiosis nimium tenacibus non prolixum suum animum ostenderit; sed illis potius, sibi suisque benefaciendi, occasionem præbuerit: Hinc Beatus Martyr alioqui in omnibus vitæ partibus moderatus ac temperans, auari cuiusdam Religiosi ac tenacis monasterium frequentabat. Nam, vt testis est Cæsarius lib. dial. 4. cap. 72. *Monasterio cuidam Episcopatus Coloniensis, regulis & legibus S. Benedicti obstricto, (nomen pro tempore omisi) Præpositus nimium tenax præerat, qui neminem sponte suâ hospitio ex regula suâ susciperet, licet rebus omnibus abundaret. Episcopus (ENGELBERTVS) eiusdem monasterij Patronus sciens hominem pecuniosum, & inhospitalem, semel atque iterum quotannis equitum & Nobilium stipatus agmine, apud ipsum diuersabatur, in quo à Præposito totidem impendebantur sumptus, quot sufficerent peregrinorum toto anno aduentantium alimonia. Ad reliqua verò monasteria, multo etiam ditiora non diuertebat, (S. ENGELBERTVS) sed iis sua benignè largiebatur, vt impleretur illud Saluatoris, omni habent; dabitur, & abundabit, ei autem qui non habet, etiam quod non habet, auferetur ab eo.*

§. Limi-

§. Limina eius in rupe Amatoris.

A Est ea rupe in Cadurcensi dicecesi à Tolosa, Parisios versus milliari Gallico disiuncta; locus à peregrinantibus multis, etiam à S. Dominico frequentatus, vt refert *Maluenda msc. anno 1219. cap. 19.* Id loci miraculis celebrem sub B. M. V. Patrocinio Ecclesiam exstruxit. S. Amator, quem in Deiparæ ministerio fuisse baiulum Christi asserunt.

B §. Vt Ecclesiam S. Petri quæ mater est omnium Ecclesiarum prouinciæ Colonienfis.

Structuram operis Metropolitanæ à B. ENGELBERTO meditati, Conradus de Hochsteden magnificè primum inchoauit. Vnde hi versus scripti leguntur,

Anno millesimo biscenteno quaterdecimo dabis octo,

Dum colit assumptam Clerus populusque Mariam,

Præsul Conradus ex Hochsteden generosus,

C *Ampliat hoc templum, lapidem locat ipseque, primum*

Anno millesimo tercenteno vigenaque iungo

Tunc nouus ipse chorus cæpit iubilare canorus.



§. A diuersis Regibus illi missas.

Hoc nono vt & sexto capitulo supra allato Cæsarius meminit donorum à diuersis Magnatibus in Sanctum nostrum collatorum : inter quæ in Metropolitanæ Ecclesiæ Colonienfis sacrario etiamnum plura conseruantur, nonnullaque, vt traditio habet & necrologia testantur, manibus

D S. Elisabethæ elaborata, Deoque T. O. M. oblata.

FINIS LIBRI PRIMI.



* *Surius 7.*
Aprilis in vi-
ta B. Her-
manni.

ENGELBERTE viden' gladys * *ut fixa laboreet*
Cynthia? fatalis sunt ea signa manus.
Ergo pugil, letus quod stringitur accipe ferrum
Mator ab accepto Gloria, crede, venit.